

Na osnovu člana 42. Statuta KJKP „Sarajevogas“ d.o.o. Sarajevo i dobijene saglasnosti od Ministarstva komunalne privrede i infrastrukture Kantona Sarajevo broj 27-34-25080/19 od dana 21.06.2019. godine, Uprava KJKP „Sarajevogas“ d.o.o. Sarajevo raspisuje

**JAVNI OGLAS
ZA PRIJEM RADNIKA U RADNI ODNOS NA ODREĐENO VRIJEME U
KJKP “SARAJEVOGAS” D.O.O. SARAJEVO**

Raspisuje se javni oglas za prijem radnika u radni odnos u Kantonalno javno komunalno preduzeće za snabdijevanje prirodnim gasom „Sarajevogas“ d.o.o. Sarajevo (u daljem tekstu: Preduzeće), sa sjedištem u ulici Trg Fadile Odžaković Žute broj 4, 71000 Sarajevo, www.sarajevogas.ba.

Javni oglas se raspisuje za prijem radnika u radni odnos u KJKP „Sarajevogas“ d.o.o. Sarajevo za radno mjesto:

- **Radnik II za održavanje i ugradnju mjerno-regulacionih uređaja** - 1 (jedan) izvršilac na određeno vrijeme na period od 12 (dvanaest) mjeseci uz probni rad u trajanju od tri mjeseca - rad na puno radno vrijeme na području Kantona Sarajevo. Osnovna neto plata 838,95 KM.

1. Opći uslovi koje kandidati moraju ispunjavati

Svi kandidati koji se prijavljuju na ovaj javni konkurs moraju ispunjavati sljedeće opće uslove:

- 1) da je stariji od 18 godina;
- 2) da je državljanin Bosne i Hercegovine;
- 3) da je fizički i psihički sposoban za obavljanje poslova radnog mjesta na koje se prijavljuje;
- 4) da protiv kandidata nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini.

Napomena:

- a) Kandidati su dužni dostaviti dokumente tražene javnim oglasom, a dokumenti koji nisu u skladu sa istim neće se uzimati u razmatranje.
- b) Izabrani kandidat je dužan prije potpisivanja Ugovora o radu dostaviti ljekarsko uvjerenje o zdravstvenoj sposobnosti za obavljanje poslova radnog mjesta na koje se prijavio, uvjerenje o državljanstvu, izvod iz matične knjige rođenih i izjavu da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini (ne stariju od 3 /tri/ mjeseca), u suprotnom neće doći do potpisivanja Ugovora o radu, a kandidat se skida sa liste uspješnih kandidata.
- c) Kandidat sa kojim se zaključi ugovor o radu obavezan je u roku od najduže 6 mjeseci steći sva ostala posebna znanja utvrđena Pravilnikom o radu preduzeća koja su potrebna za obavljanje poslova radnog mjesta za koje je zaključio ugovor o radu, a koja znanja nije bio dužan imati prilikom prijema u radni odnos.

2. Opis poslova i posebni uslovi koje kandidati moraju ispunjavati

2.1. Opis poslova

Priprema potreban alat, materijal i opremu za rad na terenu, na osnovu radnog naloga, tehnoloških uputstava i normativa; Učestvuje u izvođenju radova na izgradnji, kontroli, održavanju i hitnim intervencijama na regulaciono-mjernim postrojenjima i regulaciono-mjernim setovima; Učestvuje u poslovima stavljanja u pogon i van pogona regulaciono mernih postrojenja i regulaciono mernih setova; Učestvuje u potrebnim ispitivanjima na regulaciono-mjernim postrojenjima i regulaciono mjernim setovima u skladu s tehničkim propisima i sačinjava izvještaje o rezultatima ispitivanja; Učestvuje u izradi izvještaja i zapisnika o izvršenim radovima na terenu; Provodi mjere PPZ i ZNR u radu; Obavlja poslove i zadatke iz domena stručne spreme u skladu sa opštim aktima preduzeća; Obavlja i druge poslove i zadatke po nalogu direktora ili neposrednog rukovodioca iz domena poslova stručne osposobljenosti u skladu sa opštim aktima preduzeća.

2.2. Posebni uslovi

Kandidati koji se prijavljuju na traženu poziciju moraju ispunjavati sljedeće uslove:

- 1) da imaju završenu školu Mašinskog smjera – KV (III stepen) plinski instalater; instalater centralnog grijanja; bravar ili precizni mehaničar

Kandidati koji se prijavljuju na traženu poziciju uz prijavu dostavljaju sljedeće dokumente i dokaze:

- 1) *kraću biografiju sa kontakt podacima (adresa prebivališta/boravišta, telefon, e-mail) – obavezno.*
- 2) *original ili ovjerenu kopiju diplome traženog nivoa stručne spreme odgovarajuće struke – obavezno.*
- 3) *dokaz o radnom iskustvu (potvrda od poslodavca koja sadrži radna mjesta i opise poslova koje je kandidat obavljao)*

4) *dokaz da je osoba stručno lice u skladu sa tehničkim pravilima za održavanje i ugradnju mjerno-regulacionih uređaja.*

3. Sadržaj prijave

Prijava kandidata mora da sadrži sve dokaze o ispunjavanju uslova za poziciju za koju se kandidat prijavljuje za koje je naznačeno da se obavezno dostavljaju uz prijavu.

Kandidati su dužni u prijavi naznačiti na koju se poziciju kandiduju.

Kandidati koji uđu u uži izbor biće pozvani na pismeni i usmeni ispit.

4. Dostava prijave i postupanje sa prijavama

Javni konkurs ostaje otvoren 10 (deset) dana od dana objavljivanja u dnevnom listu „Oslobođenje“.

O datumu, vremenu i mjestu održavanja pismenog i usmenog ispita, kandidati koji blagovremeno dostave urednu dokumentaciju, biće obavješteni pismeno na adresu a putem e-maila koje dostave u prijavi.

Prijave sa svim traženim dokumentima kandidati će dostaviti na protokol Preduzeća ili preporučeno poštom na adresu:

KJKP „Sarajevogas“ d.o.o. Sarajevo
Trg Fadile Odžaković Žute broj 4
Na koverti naznačiti „PRIJAVA NA JAVNI OGLAS - NE OTVARATI“

Nepotpune, neblagovremene i neuredne prijave, kao i kopije tražene dokumentacije koje nisu ovjerene neće se uzeti u razmatranje. Dokumentacija koja se priloži ostaje u arhivu Preduzeća i može se dobiti natrag na osnovu pisanog zahtjeva kandidata za povrat dokumentacije.

5. Broj telefona na koji kandidati mogu dobiti dodatna obavještenja je 033/445-120.

6. U slučaju da nakon provođenja pismenog i usmenog ispita neki od kandidata budu imali jednak broj bodova, prednost pri zapošljavanju će imati onaj kandidat koji po posebnom zakonu ima prednost u zapošljavanju. Prioritet u zapošljavanju kandidati dokazuju odgovarajućim dokumentima (potvrda, uvjerenje i sl.) koje prilažu prilikom prijave na javni oglas, pozivajući se na zakon po kojem imaju prednost.

D I R E K T O R:

Mr.sc. Nihada Glamoč, dipl.maš.inž.